



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七二九

墨花香館詩存八卷附詩餘一卷 慶 康 撰

一

瑟廬遺詩一卷 章永康 撰

七七

邁廬吟草十一卷附詩餘一卷 徐啓書 撰

八三

介石山房遺集三卷（文二卷詩一卷） 朱培源 撰

一四三

高陶堂遺集八卷（詩五卷文一卷恤誦一卷碑軌一卷） 高心夔 撰

二〇九

問青園集十三卷（山居瑣言一卷溝洫私議一卷圖說一卷貢愚錄

一卷問青園課程一卷園語一卷詩草一卷文草一卷題跋一卷尺

牘一卷手帖一卷家書一卷遺囑一卷） 王晉之 撰

三一七

鷗堂詩三卷 馬賡良 撰

四七一

鷗堂遺藁三卷 馬賡良 撰

五一一

天隱堂文錄二卷 凌 霞 撰

五五五

墨花香館

詩存

葆初謹署



光緒乙未
冬季開雕

敘

勞者歌其事子山寥落之詞窮乃工於詩
永射激昂之論然而四愁五噫六歎七歌
大抵懷君國者居多感身世其未暇否則
繁欽徑蕙馮衍離董亦祇附司勳落魄之
科曾無與正則離騷之旨甚且激而滋競
肆以為狂攝次公之衣使灌夫之酒正平
之鼓入座而便撾安道之琴登門而輒碎

序

出手成戟捫臂有鱗積孤憤而吟悽倚廢
微而調促猥欲扇芳詞葩嗣響風人是猶
適南粵而北轅羨東溟而西笑也亦嘗披
墨花香館之全帙乎建侯先生出旌車
之族世有令聞乘孝廉之舫人稱名士使
其西清珥筆東觀著書固應垂雅頌之音
馬枚馭轡振臺閣之體燕許聯牋而乃曹
掾卑棲宰官小試不疑治獄兩造擇嫌楊

震卻金四知謝客荏苒澤靜威懾於臥甕
桑柘陰濃政成於佩犢亦既章騰大府階
擢高官符熊軾之祥甸豸衣之采旌且飭
湮屏樹資滯積新作郡則鎮日送人聽鼓
則頻年老我重以人事遷貿時局倉皇漏
舟清訝宴五大夫于闕下卧榻酣睡聚九
節度於軍中篝火宵然跳梁狐白芋魁歲
儉壞陂鵠黃螺舟通藥葛之盟雁磧阻葡

序

二

荀之貢於是靜觀棋局心總不平狂擊唾
壺口尤易缺促筆而於詠詠雅成篇而名
著眾言積數十年得若干卷城烏宮柳皆
杜陵憂國之篇嶺鳥隄梅亦坡老感時之
什律以嘉州塞下曲鍊格更高比之香山
秦中吟擇言尤雅他若聞河南北集是紀
程溝水東西吟成惜別覓醉乞陶家之醪
漉以葛中漈煩品歸峽之泉盛諸茗椀雕

欄花木風風雨雨之天倚席琴箏燕燕鶯
鶯之隊亦復徇茲縟采緯以妍詞偶綴小
篇胥宗大雅左太沖之筆下字字散珠邱
希範之篋中章章碌錦自非軼才曠世幼
學窮年詎惟堂奧之靡窺抑且藩籬之奚
涉錫鈞鳳輝一羽莫假餘光龍技五窮還
謾故紙含毫每腐合名禿角之犀享帚自
珍願附留皮之豹嗟乎手版腳絳之位置

序

三

夢幻一場筆精墨妙之裁揮英靈千古用
是藝心香於遺帙託神契於前塵縱我狂
譚舒君鬱抱即此詞留黃卷吐芬比江令
之花況看緒以青箱摘藻得顏庭之筆
光緒十有六年孟冬之月長洲戴錫鈞序

墨花香館詩序

華衣需次熱河逾兩載矣退食稍暇手一編不忍釋筆微仕優閒學義而欲稱讀未竟之志也郡之士耳焉名爭求結交向以制藝試帖尚成門徑云及市又難於別茫乎未解說者以風章使然毋之乏人焉為之謂以之切究與乙亥冬春檄攝朝陽篆下車伊始亟先觀風請文以觀課

序

以難世生童百餘人俱狀惟可觀家中之舍人孫璧君思孝兄于鐵中錚錚也此詢所司金以教十年未官墨王壬午率半不由科目而一二途出才匪惟不樂志不暇惟觀察慶公健侯蒞吾邑日久百廢俱興歲料試及手院月課手自丹黃所為披卻導窹以無厚入有間殷殷如師保誨于徒然以故至鐵暗度至今受于賜云華衣

聞之且感且竅耳其名亟思見于人竊

以遇之既而見之晚焉是年公以公事來勢接見之頃必舊相識生次敘說文源流人物臧否滔滔至長江一溜千里浩乎其然津涯欽佩久之既而出所著墨花香館詩集見示諷誦一口頰流芬香于鑪錘在在機軸從心思厚而不失之晦情深而不失之流或慷慨然歌或纏綿排場寢寢登李杜之

序

書而靡曹劉之墨矣德惠付梓俾公好而觀察曰吾深愧多深愧願以質之高明而弗取矣梨棗也於此益取觀察宅衷之虛進德之勇于深造有以殊不在尋常表計之中矣一照朝人材筆出吟詠之工志挾前代然吾觀伊古沈宋鮮鳴琴之績龔黃乏摘藻之才求于政事文學兩世遠憾恆憂憂乎其難之觀察弱冠登賢士學以供

車拭目待顧兩上喜官不售遂笑小試牛
刀其調福塞如也年三十二當洛才謂
其美錦字製大器晚成乃屢權劇要
所至生樹循聲最龍城之愛疊職
渠魁是武功不在文治且於此
於紛紜繁曠之際出於緒餘發為詩教
可不以豪傑之士哉懷由生和聲
以鳴國家之盛如名伯之來遊夫歌古
而法風騁好育於觀察卜之行當合

序

三

循良儒林為一傳宜區區墨花香館詩
集遂足罄其所長乎充諸丁丑孟冬楚
南福臣湯華宸抄序

自敘

道光十四年甲午 先母趙夫人夢五色獅子而生
余於金華府任所 先大夫倩友卜之曰兒長必才
華宏富頭角崢嶸此君家千里駒也幼喜文事尤喜詩
熟誦唐人三百首九歲能為五七言絕句十九舉壬子
科孝廉師友皆以翰院期許癸丑丙辰兩赴春官不售
椿萱繼見背家計日以窘同治壬戌由都察院

京察一等

簡放永平理事同知官本閒曹時輒吟

詠積藁若干妍媸雜揉未嘗選錄甲子調補承德朝陽

序

一

今乙丑清和履任七月奉調查辦閩馬賊十一月朔
旋任十九日奉天大股馬賊犯縣街率鄉團與賊戰以
內應故失守晦日帶勇獨力克復檢查宿藁片紙隻字
無存者噫其干造物之忌歟抑冥冥者為余藏拙歟是
蓋未可知矣大憲嘉余血戰又悔發兵遲欲為奏請原
案開復寅僚忌余者復相排擠於是撤任查辦放次衣
食不給窮愁中惟以哦詩自遣推敲故態不覺復萌偶
憶舊詩竟如隔世即或略記數章亦非愜心之什嘻舊
藁之遭兵燹是真造物者為余藏拙耳何智慧之頓減

如斯也耶十月革留旋任民大悅縣亦大治後雖奏留
開復以劉捕渠魁功遞保花翎知府道員用並加三品
頂戴然六年中兩辦

欽差公館兩請兵兩疾病危

殆頻仍操勞困阨未能暢興謳吟庚午秋署豐寧縣事
地僻民安喜與閭閻休息豈知故令積案疊疊百姓聞
余河東虛聲新詞又復蜩集判獄堂皇日無暇晷故數
年所得之句亦屬無多辛未報滿壬申以二千石歸直
隸癸酉到省人浮於事苦無位置匣鏡懸琴英雄亦無
用武之地況不才如余者哉特是需次賦閒頗得把酒

序

千

構思看花拈韻之樂文人墨士共與盤桓弈友書家依
為性命閒或藉公遊覽山川盡入奚囊時而當事書懷
記載妄追史筆時賜時雨悉議論於襟懷一喜一憂畢
陳詞於楮墨心花怒發吟草彌增親故爭與品題驛堠
每為郵寄遂使蛩吟蛙鼓煥然改觀島瘦郊寒於焉增
價幸也如是樂可知矣無如七年宦隱不解蜜緣兩袖
清風難圖功業相如善賦苦無駟馬高車冀遂失權何
日買牛賣劍更恐重陽風雨興敗催租堪憐冀野驂驕
悲生伏檻嗟夫奔忙榆塞卅齡獨際艱辛淪落樊輿半

序

三

世莫抒懷抱江州之青衫已溼空怨琵琶豐城之紫氣
雖濃徒沖牛斗已焉哉經綸柱腹未許濟世匡時歸休
乎松菊無存愧對賢妻孝子所賴達天知命藏器待時
白髮盈頭不墜青雲之志騷壇樹幟任探驪海之珠詩
因窮而愈工吟以苦而弗輟閉門索句幾忘范甌塵封
對客揮毫那顧蘇裘貂裘敝聘詞章以寄傲心曠神怡鏤
風月以陶情天空地闊杜工部不逢知己何妨人以詩
傳蔡中郎若能賞音尤願身從 君顯
光緒己卯二月朔長白健侯慶康敘於保定需次

題詞

楚南陳熙昱 子湘

神明法律出清新隻手能扶大雅輪未許高岑矜格調
居然召杜是詩人墨花揮灑公餘興吟草紛披塞上春
我到頻聞說虞詡果從盤錯見經綸
兩綰銅符臨雁塞一麾金鼓取龍城治成花鳥歸吟譜
去後關河載政聲憂樂滿腔新樂府才華絕世好風情
循良儒雅皆師表熱取心香一瓣清

長白英 順

題詞

邂逅逢君具夙因星輶到此倍相親河山驛路吟懷壯
李杜文章客思新昔日鴻泥留政績今朝豹霧見精神
陽春白雪難爲和滿紙珠璣淨俗塵
京華人已慕丰神塞上論交意趣真覲面雖遲還自幸
談心無間總堪親詩中畫擬王摩詰治下民懷召信臣
莫道邊隅無吏治循良端合讓才人

金筑李天錫 耀初

披吟珠玉聳吟肩麗句清詞妙自然卓犖奇才真俊乂
風流名士小神仙千霄劍氣驚星斗出塞邊聲入管絃

我到烏桓相見晚也隨詩客署詩箋

大筆淋漓法律清文章政事兩精明論詩何必分唐宋
泥古終難見性情才士座中延後輩騷人壇下拜先生
羨君德化留邊徼儒雅循良著盛名

裁雲織錦本無師隻手能將大雅持漢嶺秦關鏘政蹟
武功文事付謳思揮毫不亞羲之序選韻如吟白也詩
妙絕無題三十首漫教溫李獨矜奇

李杜龔黃竟相合至今詩政兩流芳胸中戈戟消兵氣
筆下經綸聚墨香薦士豈無韓吏部稱仙應有賀知章

題詞

九重丹詔頒來日砥柱中流藉棟梁

山陰孫丙炎 浩如

機雲才思少陵詞學有淵源大雅持詩草健如班史筆
墨花香繞右軍池一麾出守蒼生望十載循聲 聖
主知愛讀佳篇難釋手雞林價重復何疑

唾如珠玉氣如蘭白雪詞高和轉難政績至今傳塞外
才名早已擅長安傷心世事何妨怨蒿目時艱強自寬
切莫頽唐甘退隱賴君砥柱挽狂瀾

鐵嶺李 慎 勤伯

本是文章伯其如匡濟心經綸始民社著作歷詞林事
亟來巖邑神閒理素琴剖符應在卽遠道聽謳吟

展讀新詩卷幡然起積疴清詞凌鮑謝苦思揖陰何詠
物襟懷見憂時感慨多讀書勝飲酒壯志莫消磨

展轉羈關輔艱難返 帝京重來豈余意把酒話親
情俊爽一如昔循良矢此生鴻篇富珠玉欲和曲難成

于嘉樹立之

班馬濃香幾度薰欣看拔幟獨成軍精金出冶堅難撼
大雅扶輪卓不羣回首長安心捧日置身邊塞氣凌雲

題詞

三

鹽薇我欲書千本翦燭披吟靜夜分

春風和藹倍堪親澤物曾經著手春此日已登循吏傳
他年定作濟時人一杆遣興情彌暢萬卷羅胸筆有神

卽觀 綸扉隆倚昇勳高柱石冠臣鄰

塞外峯巒拔空起塞上風雲更奇詭黃沙白草望無涯

萬古心胸開拓矣得其助者爲偉人自古豪傑多如此
建侯觀察世系尊遙遙華胄傳清門束髮受書具特識

能躡月窟探天根科名早掇如拾芥轉瞬 簡在承

殊恩一旦出宰赴沙磧聞者愕眙咸惋惜豈知天

意自有存錯節盤根俾集益萬辟千灌鍊其才欲使青

霄摩六翮從茲卓犖迴不凡經濟文章皆巨擘間以餘

緒爲詩歌墨花璀璨卷軸羅或如摩空撐古柏或如出

水浮新荷銅琶鐵板氣自壯曉風殘月音偏和李甲新

詞擬黃卷願書萬本讀萬徧從來有志事竟成文人豈

僅才華見行看 丹詔 九重頒翠柏紅薇膺

帝眷用作霖雨福蒼生郊圻咸仰仁風扇

文卜年枚臣

健侯觀察才富有胸羅邱索足八九學問博通閱歷深

題詞

四

人中騏驥詩中友憶昔乙丑宰龍城躍馬提戈蕩小醜

文治武功兩擅長至今嘖嘖稱人口宦途分馳甫六週

判若雲泥欽佩久舊雨重逢示詩篇光明磊落無瑕垢

關塞悲歌兒女情信手拈來成淵藪煙雲縹緲筆端橫

雷霆精銳腕下走五嶽歸來逸興豪萬壑千峯齊俯首

我欲吟哦步後塵珠玉滿前還束手羨君才華讀君詩

壯志豪情逼牛斗書法勁健尤通神上溯鍾張邁蘇柳

吁嗟乎此君富貴與功名當與文章同不朽

山陰孫丙炎 浩如

萬卷橫胸時未遇借詩寄託分明是玉堂仙曲舒卷自如修月手天然秀麗餐花腹古今來能有幾多才雞羣鶴鋪錦繡拋珠玉真不厭千回讀忽飛來奇語卻驚庸俗相見恨遲慚淺學與君共隱楸枰局卜今年

丹詔

九重來心香祝

調寄滿江紅

蜀南李贊元

伯華

建侯品學何清高談棋佐酒情偏豪生鍾秀氣在長白髭齡解詠揮彩毫書法縱橫道且麗奔騰腕底驚洪濤老後詩格渾愈健言言如雅復如騷少陵魄力昌黎骨

題詞

五

都教具此聰明窟塞上歸來馬上吟惟留卷帙與簪笏廿載遨遊宦海中不覺已斑兩鬢髮磨鍊才華久更純請勿書空口咄咄君不見古稱經濟詩人多曲江弱冠猶蹉跎又不見昔時趙清憲晚年功烈無人過況公文事兼武略朝陽百戰揮天戈際茲聖神需才急終當大用非公何

泰州宮

昱

玉甫

才思淨冰雪豪語溢琳琅字字俱騰光怪秋水漾干將多少匡時偉略半歷秦關漢塞奇績說朝陽飛箭餓鴟

叫赤手搏天狼拓金戟倚長劍入邊牆料理清尊彩筆館闢墨花香并見藉公司憲豈獨高文妙作功業正堂堂自有千秋在文苑與循良

調寄水調歌頭

津門楊光儀

香吟

長白佳氣摩蒼穹扶桑日出當天中鴻基肇造垂無窮瀛海惟聞雅頌聲有人崛起歌太平十洲三島羅心胸憶昔京國酣秋風桂花香裏聽鹿鳴笙簧盈耳未識荆歸來頭腦成冬烘皇路望斷無由通空慚韓孟爲雲龍一朝蓬華春風生吹落天半紅箋紅開緘捧讀

題詞

六

炫目晴淋漓大筆光熊熊關機闔抉鴻蒙雷奔電掣羣兒聾鈞天樂奏曲未終黃鍾大呂旋爲宮愧我草根鳴候蟲敢隨威鳳翔天廷朽木之朽遇良工施以斤斧引以繩誤期闕楔占棟隆殷勤藻飾難爲功側聞作宰當要衝長山四亘多伏戎君眞健者消邊烽士恆爲士農恆農冰壺在抱千金輕胡爲讒間來青蠅口碑載道迴天聽行看典郡追黃龔樊輿需次無宦情長途置傳馳詩筒餘光惠我玉可攻何以報之嗟倥倥漫說聲應蜀山桐眞如寸莛撞巨鐘幾時沾上迎旆旌觀風

察吏恩威併羅浮仙隱能先容未覩顏色心已傾新詩
未敢上相公感君採菲兼採葑地盡遶海皆堯封篤
生申甫神降崧文章報國惟公忠我亦鼓腹謳時雍

倪仁傑 樂山

蕊榜題名出帝京花封作鎮理專城簿書叢裏偏
多暇吟稿詩牋疊滿簾

塞垣北畔雁門東清野籌邊運不窮更有江山助吟興
公餘雅愛理詩筒

曾隨紫塞分符客忝作黃堂入幕賓記室追陪欣得地

題詞

使君瀟灑日爲鄰

攜琴共躡遊山屐載酒相隨闕陌車此日使君離塞上

舊吟當已編籠紗

元瑜橐筆意何如宗慤長風念已疏但企鴻儀占遇順

紫青計日沛鸞書

同人唱和遍題名也把蕪詞賦載賡句拙敢邀青眼顧

好隨梨棗共傳聲

俞紹棻 廉石

十月保陽城黃花未落英手君詩一卷坐我月三更琴

鶴隨孤宦鐘魚聽梵聲公才猶未達何況此鯁生
豐鎬家聲舊芝蘭臭味親河梁答蘇李膠漆訂雷陳碧
海鯨波闊長天鶴唳馴共君談笑處不復苦風塵

裕恆 秀山

灤陽山水帝京塵寫入詩篇信有神豈獨君謨當俛
首辦香兼祝鼎華新

健筆縱橫律法精書懷書事各分明幾將佳句迴環讀
恍聽丹山老鳳鳴

簪毫早歲撥巍科投筆班生意若何到處吟鞭供嘯傲

題詞

數年仕宦足吟哦勤宣北塞聲華重澤被東邊頌禱多

指顧風雲隆際遇劍鳴匣裏不須磨

清新百轉勝流鶯一種纏綿悱惻情老杜至今留著作

謫仙從古擅才名筆書忠義生豪氣譜按宮商是正聲

讀罷瑤編重盥手夜窗抄彙別寒檠

大定楊拱辰 海峯

法律精嚴格調新安排音韻更圓句句裁雲葉神無迹

筆滌冰瓠淨不塵隨意足微才磊落多情那礙骨嶙峋

儒臣名將紛難數著手誰生隴塞春

國計鄉愁壓兩肩
描從筆底轉纏綿
閒將吏治形風月
都把邊聲付管絃
劍氣干霄三尺利
珠光出海十分圓
艱危歷盡餘溫厚
合並瀟溪一卷傳

經濟文章譽決河
更分墨瀋作餘波
義山才思言情妙
昌谷詩編出塞多
爲有夙根纔解脫
是真奇氣不銷磨
山歌村笛難爲叶
好共羣仙詠大羅

樂亭宋森蔭 孫堂

大筆淋漓信有神
試將格調又翻新
儒臣循吏源流合
咳唾猶生藹藹春

題詞

九

豪情首唱大江東
鐵板銅琶氣自雄
經濟文章堪報國
豈徒小技羨雕蟲

東閣開樽日幾回
梅花忽又報詩催
公餘猶自耽吟詠
文采風流稱雅裁

李杜文章抱負深
經綸小試奏鳴琴
他年潤色揚鴻業
普召和甘作雨霖

樂亭倪 垣 啟藩

極目黃沙大漠空
愁人何處問春風
鸞吟鳳嘯鍾長白
鐵笛銅箏付小紅
熱不因人河滾滾
寒經出塞氣融融

木蘭也有前遊草
慚對朝陽向日裏

聞說盧龍舊著鞭
風流姓字至今傳
鳳山兩變幾無地
麟閣重霄上有天
塞草邊花新政譜
秦關漢月老詩編
盛唐遺韻依然在
粲藻千秋李謫仙

樂亭李敬修 省齋

盧龍北畔雁門東
漢嶺秦關指顧中
萬里長城遙作鎮
三層寶塔昔稱雄
籌邊此日來賢宰
清野何曾有伏戎
榆塞松亭安鎖鑰
只緣五馬汗全紅

憶昔榮旌駐北平
心勞撫字久傳聲
鴻儀左渡臨榆塞

題詞

十

馬首東移細柳營
七屬黔黎思保障
九重丹詔錫
恩榮半張繭紙遙
伸頌且喜人情可代呈

從龍華胄冠朝班
繼武承先豈等閒
紫塞高營鵲鶴壘
黃堂名重鳳凰山
墾田有策撫千堡
安堵無驚慶卅關

更喜神君工判牘
髯蘇意氣自蕭閑
論秀書升端士習
安良息訟課農耕
子民向化知生計

寅友偕行識政聲
共喜師貞先洗甲
還呼蒙古勸輸丁
令公覲面同羅拜
箭下人心自此平

肩門取士嚴規矩
掌院觀風代教筵
預擬程文濡紫硯

旋披科榜費丹鉛宗師手筆爭誇誦山長頭銜莫誤傳
大啟鵬程膺鳳詔開藩開府賀宜先

書法縱橫興到時新詩捧讀倍神馳戲鴻無意偏多妙
吐鳳隨心更覺奇喜見同人營和藁也將俚句綴蕪詞
只緣正郢思先切弄斧班門未肯遲

陳本植 海三

毫端風雨任縱橫珠玉都隨咳唾傾一領青衫瀟灑態
幾枝紅豆別離情連山鼓角添豪氣出塞琵琶雜怨聲
文字因緣香案吏好將金粟悟前生

題詞

士

癩饒僧

吐屬煙雲氣象新英雄品概出羣倫少陵感慨非關恨
摩詰風流爲養真語見性情詩耐嚼胸羅邱壑筆如神
拈花賦到無題處悟徹空空是可人

墨花香館詩存卷一

長白 慶 康 建侯

重九登右北平明遠樓與諸名士作茱萸會和裘

桂山原韻

樓迴俯灤河登臨我輩過江山千古盛風雨昨宵多

夜滿城 落日一峯碧簪花雨鬢蟠盈樽黃菊酒滿座醉

顏酡

秋夜不寐

永夜不成寐疏星窺小窗砌蛩吟斷續鐵馬鳴琤琮詩

墨花香館詩存卷一

草埋塵榻銕花綴玉缸風輕庭竹撼霜冷寺鐘撞枕上

聞飛雁籬根吠卧厖衾單寒似水屋矮穩於艘落葉戰

三徑醅醪斟半缸壯懷悲北塞豪氣吸西江未遂封侯

志先歌俗吏腔雞鳴還起舞劍影映雙雙

祭清節祠

北平城西十五里山首陽山水灤水

南山曰陽山因祠得名也

叔齊兩賢人清節祠堂建於此憶昔二子避勳名委棄

富貴如敝屣西山同唱采薇歌恥食周粟餓而死人云

君子潔其身我疑行蹤太奇詭胡爲萬世稱聖人聲名

洋溢盈於耳邇來讀書論古人絮短較長知臧否獨夫
亂國宗祀傾賊子欺君王室燬弒逆相尋絕倫常機詐
百出敗綱紀紛紛皆爲利欲驅不顧臭名污青史何如
二子出處高一塵不染無渣滓介石堅貞似性情清芬
馥郁如蘭芷千秋廟貌留典型四時蒸嘗陳簠簋我來
孤竹薦馨香摩娑斷碣識銘誅懦夫思立頑夫廉百世
之下皆興起青山峙立水悠悠聖之清者有如是

海棠吟

名花一樹對堂坳占得春風及第爰底事東君欠公道

墨花香館詩存卷一

二

暗香不上海棠梢

太學古槐

巍然獨立少枝柯雪蝕霜侵永不磨天上白榆難擅美
月中丹桂可同科聖門託足流芳遠泮水盤根閱士多
無葉無花形質古危峯怪石共嵯峨

遊偏涼汀遇雨祁季文刺史酌客於關廟水榭醉

成

偏涼汀上小句留水色嵐光漾碧油山雨欲來昏古寺
帆風初飽送扁舟長松倚壁千尋翠短葛生寒六月秋

我醉高歌君莫笑佯狂詩酒傲滄洲

崔巍宮闕擁雲嵐怪石嵯峨卧碧潭蘆荻灘前舟似月
硃砂洞外水拖藍萋萋芳草和煙暗謾謾松濤帶雨酣
一詠一觴名盛地好將詩句付瞿曇

牛蘭山道中

車聲轆轤石漫漫無限吟情壓玉鞍一路看山山不斷
五更踏月月尤寒郎官七品勞人甚廉俸千金報國難
盡道英雄家累少緣何東望淚闌干

古北口道中

墨花香館詩存卷一

三

絕塞賦孤征驅車古北口寒雲如白羊近天變蒼狗兩
山抱雄關羣峯聯覆瓿枯松立似人危途狹於肘沙飛
白草迷樹禿春風吼小憩入荒村一杯斟苦酒

朝邑兵燹余備嘗艱苦丁又香以詩慰余因步原

韻答之

由來成敗不須歎堪笑儒生境遇酸欲盡愚忠先吃苦
乍行仁政敢辭難身多虛譽心尤愧念切斯民席未安
罵賊侍中違素志無窮惆悵倚朱闌

余與賊戰已被擊落馬鄉勇力救得

生定出意外也

兵燹餘生亦可歎回思往事鼻猶酸張巡有節酬君易
李廣無功奏捷難蒼赤逃亡須撫恤妻孥離散幸平安
何當翦滅鯨鯢後奮翮雲衢興未闌

乙丑秋奉札隨同微觀察柳城查辦馬賊平泉道

中偶成

奉檄來平泉叱馭行邊域鞭影夕陽中車聲古道側水
映暮天容樹繞寒雲色落日赤於硃晚山暝似墨蕭蕭
征駒鳴啞啞棲鳥息初月吐光芒危途披荆棘沾衣露
華濃撲面沙塵黑豈不憚劬勞馳驅聊盡職

墨花香館詩存卷一 四

甘雨行

夏日炎炎酷暑多赤火橫空殊嚴苛汗出如瀉手頻搓
苦熱煩心顏微酡青蠅欺人逞么麼扇不停揮舞倖倖
科頭徒唱南薰歌草木枯焦將奈何西北奇峯起嵯峨
赤雲忽捲烏雲拖輕風急送如飛梭乾坤墨墨全包羅
金光閃爍電影過隱隱雷鼓似鳴鼙一聲霹靂驚巖阿
白雨跳珠戰綠荷纔看滴滴點輕澗沛然傾注成滂沱
蛟龍酣鬪翻江河車騎笑陣鳴金戈溝渠泛澱皆盈科
山水漲發來奔波滾滾激浪白於鷺水驅巨石自婆娑

虹垂雨止霽色和水落沙平似刮磨沿階芳草鋪綠莎
當門遙峯撐青螺炎歊逐盡無愁魔爽氣迎人病已瘥
甘霖澍潤生嘉禾三農慶幸誦伽陀欲紀喜雨須吟哦
轉瞬陰晴幾剎那

烈女行

朝陽張氏女名環兒其母與弟偶出女獨紡織鄰兒挑之不以繼之以罵鄰兒以刃逼之女越窗而走鄰兒逐之迫及房西力拒被殺余按治之爲之殮葬諸旌焉

古今之間有大節全賴正氣爲扶持至大至剛充宇宙
斯人於以著其奇龍城張氏有愛女芳年十九名環兒
守貞未字事阿母弱弟相依如壘簾慈母幼弟偶他出

墨花香館詩存卷一 五

西鄰狂且來潛窺葳蕤弱質力撐拒凶徒露刃逞梟鷄
切齒罵賊誓不屈慷慨捐生甘如飴三十餘傷破頭面
桃花揉碎血淋漓烈哉張氏女壯節誠堪悲殺身以成
仁一死安足辭堅貞何事遇強暴狂風摧折珊瑚枝予
甫宰是邑聞報長於戲急往事驗訊長拜瞻容儀炎暑
軀不敗香肌如割剗玉碎珠沈雖有恨菊殘猶帶傲霜
姿我今爲爾請旌表葬之路傍題豐碑更當爲爾雪仇
恨剪除狂暴陳其屍偉哉張氏女壯節誠堪師精魂浩
氣昭千古巾幗英雄有若斯